

Vaughan Gething AC/AM
Ysgrifennydd y Cabinet dros Iechyd a Gwasanaethau
Cymdeithasol
Cabinet Secretary for Health and Social Services



Llywodraeth Cymru
Welsh Government

Kirsty Williams AC/AM
Ysgrifennydd y Cabinet dros Addysg
Cabinet Secretary for Education

Ein cyf/Our ref MA-P/KW/2411/18

Lynne Neagle AC
Cadeirydd
Y Pwyllgor Plant, Pobl Ifanc ac Addysg

7 Medi 2018

Annwyl Lynne,

Diolch am eich llythyr dyddiedig 16 Awst ynghylch ein cynigion i sefydlu Cyd-grŵp Gorchwyl a Gorffen y Gweinidogion i symud ymlaen â'r 'dull ysgol gyfan' o wella iechyd a llesiant plant a phobl ifanc, a phrif argymhellion yr adroddiad *Cadernid Meddwl*.

Rydym yn falch bod y Pwyllgor yn croesawu'n cynnig i symud ymlaen â'r agenda hon. Mae eich llythyr yn codi nifer o bwyntiau yr ydym am eu hegluro cyn i ni wneud cyhoeddiad ffurfiol am y gwaith hwn.

Rydych wedi awgrymu eich bod yn dymuno ymuno â'r Grŵp Gorchwyl a Gorffen fel sylwebydd, gan gymryd rhan yn llawn ond gan gadw eich annibyniaeth i gyflawni eich rôl fel Cadeirydd y Pwyllgor. Rydym yn croesawu'ch cyfraniad llawn at drafodaethau'r Grŵp, mae gennych gyfoeth o wybodaeth a phrofiad a fydd yn werthfawr tu hwnt i'n gwaith.

Byddwn hefyd yn gwahodd y Comisiynydd Plant i ymuno â'r Grŵp Gorchwyl a Gorffen, ac mae fel rheol yn gwneud hynny fel sylwebydd. Mae hyn yn unol â'i swyddogaeth statudol i graffu ar weithgarwch Llywodraeth Cymru.

Gofynnoch hefyd am ymgynghori â'r Pwyllgor ynghylch cylch gorchwyl y Grŵp ac aelodaeth y Grŵp Cyfeirio Rhanddeiliaid, a fydd yn cefnogi gwaith y Grŵp Gorchwyl a Gorffen. Mae'r Grŵp Gorchwyl a Gorffen yn gorff a benodir gan Lywodraeth Cymru, a fydd yn ein cynghori yn rhinwedd ein swyddi fel gweinidogion er mwyn i ni wneud penderfyniadau deallus a phriodol. Bydd eich rôl gyda'r Grŵp Gorchwyl a Gorffen o gymorth i gyfathrebu rhwng y Grŵp a'r Pwyllgor. Dylai hyn sicrhau bod sylwadau a buddiannau'r Pwyllgor yn cael eu hadlewyrchu, a'n dwyn i gyfrif, pan fo materion yn cael eu hystyried. Edrychwn ymlaen at glywed eich sylwadau ar gylch gorchwyl ac aelodaeth y grŵp rhanddeiliaid.

Gofynnoch hefyd am ymateb ysgrifenedig diwygiedig i'r adroddiad *Cadernid Meddwl* erbyn mis Mawrth 2019. Byddem yn falch o ddarparu diweddariad pellach i'r Pwyllgor gan edrych

Bae Caerdydd • Cardiff Bay
Caerdydd • Cardiff
CF99 1NA

Canolfan Cyswllt Cyntaf / First Point of Contact Centre:
0300 0604400

Gohebiaeth.Vaughan.Gething@llyw.cymru
Correspondence.Vaughan.Gething@gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.


ar yr holl argymhellion, gan ganolbwyntio ar waith y Grŵp Gorchwyl a Gorffen o ran yr argymhellion iechyd ac addysg.

Rydym yn deall eich bod wedi cymeradwyo'r datganiad i'r wasg drafft yn cyhoeddi'r gwaith hwn, yr ydym yn bwriadu ei ryddhau heddiw (7 Medi). Bydd yn cyd-fynd â Datganiad Ysgrifenedig i'r Cynulliad Cenedlaethol ac yn cyd-daro â gweithdy amlasiantaeth sydd hefyd yn cael ei gynnal heddiw.

Yn gywir,



Vaughan Gething AC/AM
Ysgrifennydd y Cabinet dros Iechyd a
Gwasanaethau Cymdeithasol
Cabinet Secretary for Health and Social
Services



Kirsty Williams AC/AM
Ysgrifennydd y Cabinet dros Addysg
Cabinet Secretary for Education